

續修四庫全書

《續修四庫全書》編纂委員會編

續修四庫全書

上海古籍出版社

一四四五・集部・別集類

明善堂詩集四十二卷 明善堂文集四卷（明善堂詩集卷十六至明善堂文集卷四）

〔清〕弘 曉撰

一

重鐫草堂外集十五卷 〔清〕檀 萃撰

一五三

頻羅庵遺集十六卷 〔清〕梁同書撰

三七九

七錄齋詩鈔十卷 七錄齋文鈔十卷（七錄齋詩鈔卷一至卷七） 〔清〕阮葵生撰

六一一

明善堂詩集卷十六目錄 巳巳

初春雪霽郊行

松

鶴

雪

月

初春四宜齋畫愁

春夕

四宜齋枕上作

明善堂詩集卷之十六目錄

一

晚步四宜齋

寒食雨窻山舍

遊石徑山寺

暮春四宜齋偶興

初秋隨

駕發暢春園恭紀

長山峪卽事

至熱河宿恒王山園月下偶成

行營坐雨遣興

歸途宿密雲

山村同芄野范生夜話

雪意

憇松栢菴同省上人談禪

宿松栢禪林晤耕烟陳子賦贈

冬日讀晴江林師太常集題後一首

踏雪郊行

書齋對雪

寒夜口占 得不字

明善堂詩集卷之十六目錄

二

明善堂詩集卷十六 已巳

初春雪霽郊行

荒林凝宿靄晨色動雙眸殘雪平疇滿輕烟遠岸
浮溪光隨馬度霽景逐雲流到處欣相賞春風爲
我留

松

亭亭歲寒姿移向閒庭補濤聲夜半驚清影簾間
舞獨與梅竹鄰貞心含太古試問蒼髯公可與幽
人伍

明善堂詩集 卷之十六

鶴

一聲清唳長氎氎廊間舞躑躅步階除條然刷翎
羽伴我自朝昏翱翔棲別圃讀罷焚名香戛戛避
烟縷

雪

皚皚下廣庭宛然玉龍鬬積素繞光漫遍染園中
岫寒輕侵戶扉擁爐句初就隨風勢飛揚映澈梅
枝瘦

月

晴空湧玉輪寒光拂面冷照澈冰雪天清娛忘夜
永舉杯欲邀之三人共形影高歌興未闌銀漢常
耿耿

初春四宜齋畫懋

愛此奇石佳亭午松陰靜野鶴似窺人觸目成幽
境呼童汲清泉風度漏聲永悠然養谷神塵懷一
時屏

春夕

松鶴閑庭日已斜垂楊烟色襯殘霞一尊坐到更
明善堂詩集 卷之十六 二
深後爲看溪邊月印花

四宜齋枕上作

息倦悠然臥竹床遙傳銀漏轉迴廊無端喚醒幽
齋夢鶴唳一聲清夜長

晚步四宜齋

飯罷步庭除閒倚青松下拂面和風吹境寂似原
野奇石列參差位置絕清雅吾亦愛山林卽景意
蕭灑

寒食雨窻山舍

風雨逢寒食山窓將霽天天桃渾欲語嫩柳未成
烟拂檻鬢光罨如茵草色芊就中圖畫似小坐却
悠然

遊石徑山寺

岌嶮如來鏡瞻依古道場蟠松滴空翠潭水瀉清
涼苔蘚侵碑字烟雲臥石梁平生山水癖遐眺倚
斜陽

暮春四宜齋偶興

流鶯清韻繞芳樹午陰圓遠岸飄紅雨輕風托柳

明善堂詩集

卷之十六

三

烟開軒晴晝永覓句逸情偏靜驗忘機趣心安得
自然

初秋隨

駕發暢春園恭紀

初秋晴旭映龍旗萬騎雲騰望裏移正是

聖皇勤講武巡方盛事紀風詩

雨洗青山玉仗前黃雲覆隴旦長天西成有兆
人民喜遙聽華封祝聖年

長山峪卽事

縱目山容詩興豪塞垣秋色透征袍竭來徒倚長
林下絕磴奔流雨後濤

至熱河宿恒王山園月下偶成

月出東山上名園夕景多秋聲振林薄詩思寄巖
阿只有清光滿其如旅夜何步欄一眺覽涼吹動
簾波

行營坐雨遣興

檀廬靜坐雨空濛相對寒山萬樹楓一片烟鬟迷
獵騎幾重瑞靄繞離宮爐香掩茗消閒日索句敲

明善堂詩集

卷之十六

四

詩寄遠鴻風急塞垣秋欲老羈情無限暮雲中

歸途宿密雲

赤縣神臯近寒鴉噪戍樓晴山含夕照碧澗亂溪
流野寺疎鐘動荒郊夜氣浮歸期應不遠萸菊正
清秋

山村同芄野范生夜話

寂寂荒村夜高吟興不禁挑燈逢客舍展卷得同
心曠達懷蘇白雄談辨古今清娛閒坐久蓮漏報
更深

雪意

日脚癡雲埋雪意迷川谷低
菴小溪橋遙映田間
屋行圍原野中恍疑飛滕六
明朝怯和寒策馬前
山麓

憩松栢菴同省上人談禪

衝寒歸馬急踏月叩禪扉
老樹標三逕香雲繞四
圍深談知道力妙蘊轉清
機悟得拈花旨更闌燭
影微

宿松栢禪林晤耕烟陳子賦贈

明善堂詩集 卷之十六 五

良友經時別烟霜歲月更
相逢重問訊高論愜平
生儒術崇稽古騷壇樹令
名香林燈火夜懇款有
餘情

冬日讀晴江林師太常集題後

太常廿載我儒師珠玉胸
羅冰雪姿彩筆傳天飛
鸞鷟高才拔地出蛟螭
春秋花月娛清賞山水
繁華騁妙詞一自夜臺魂
夢杳揭來揮涕讀遺詩

月映紗窓梅影芬研等品
格獨超羣雪消蜀棧巴
江路秋滿淮流楚岫雲
壺曰才華歸風慧翻瀾議

論飽遺聞殘膏賸馥多沾漑
慙愧當年教澤殷

踏雪郊行

紛紛如絮滿山腰積素川
巒望裏饒詩思萬懷天
欲曙衝寒踏雪過溪橋

書齋對雪

一聲響壓窓前竹高下亭
臺總玉鋪漫撥爐烟添
獸炭幽情何異剡溪圖

寒夜口占 得不字

斗室燈窓裏梅花伴案頭
一庭殘雪影相映月光

明善堂詩集 卷之十六 六

浮燭炮宵偏永詩成境轉
幽寄言二三子清賞似
儂不

明善堂詩集卷十七目錄 庚午

上元前一日宿園見窻間竹影偶成

園中晚興

春日鶴閒花靜齋偶興

花朝

西窻對雨

西軒午霽同內子茶話

蝶菴偶成東內子

蜨菴對雨

明善堂詩集卷之十七目錄

一

暮春郊外早行

書齋早起

先父王廿週忌辰感賦一律

夏日張監園亭題壁

西郊早行

消夏閒咏二首

病中夜雨遣興二首

雨窻憶宜峯鶴亭韶亭秋岑諸子

病中登樓示內

入直 瀛臺遇韶亭七表弟口占贈之

晚步

寄宜峯秋岑鶴亭韶亭

湖上山樓遠眺

夏日偕內子含輝堂垂釣

初秋雨窻曉望

初秋遊賞西園有作

初秋西軒雨窻全內子晚坐

中秋前雲林書屋偶興

明善堂詩集卷之十七目錄

二

中秋玩月

西軒秋夕

西園秋日偶成八韵示同人

秋夜聞雁

深秋遣懷

月夜登消慮峯

月夜遣懷

冬夜四宜齋偶興

冬日郊外卽景

村晚

旅夜東寄

長至日雪中郊行

雪霽歸途有興

山村曉起

將至都卽所見漫成

再至松栢菴晤省上人

明善堂詩集

卷之十七 目錄

三

明善堂詩集卷十七 庚午

上元前一日宿園見窓間竹影偶成

紛披竹影橫窓際明月今宵憇小園此景蕭疎最清絕勝他烟火管絃繁

園中晚興

一片湖光映草廬雪消青色藹平蕪烟含秀嶺春林晚猶覺輕寒坐擁爐

春日鶴閒花靜齋偶興

窓明几淨著閒身心迹探幽遠俗塵人靜鶴窺松

明善堂詩集 卷之十七

一

逕曲風輕花舞草堂春半簾晴色凝書幌一片嵐光接綉茵自喜愁懷都屏却焚香啜茗足怡神

花朝

花朝逢社日韶景映庭軒草色碧侵徑春風吹滿園燕飛等故壘蝶舞鬧晴暄生意看如許寧惟桃李繁

西窓對雨

息却機心祇自知窓前閒對雨如絲呼童撥火烹茶熟風過瓶花寫硯池

西軒午霽同內子茶話

鶴窺庭畔影如銀花滿閒堦香襲人更愛雨餘塵
不到烟鬟如洗望中新

蝶菴偶成東內子

春光明媚草堂前斗室端居似坐禪數卷圖書欣
靜賞一庭花柳恰爭妍烟廻古鼎香痕細漏轉清
鐘午韻圓此際風晴消萬慮會心不覺得空詮

蜨菴對雨

風輕兼雨細庭院迥無塵飛燕歸巢急繁花鬪彩

明善堂詩集

卷之十七

二

新香清常繞室鶴靜欲窺人萬慮閒窓息莊生蝶
夢親

暮春郊外早行

野曠星稀露未乾沿堤春水引清湍幾雙輕燕穿
新柳一塢歸雲罨翠巒待渡士人紛駐馬隔溪舟
子溯廻瀾經行不覺塵偏淨小隊朝來縱目寬

書齋早起

晨起簾前坐輕鐘報曙初胸無塵外慮案有讀殘
書鳥韻當窓哢林花帶露舒悠然生趣滿樂意自

如如

先父王廿週忌辰感賦一律

廿年懷念悲何極想像音容有夢知風木幾曾埋
夙恨枯槐相對繫煩思趨承庭訓違顏早繼述前
光接武遲展謁寢園悽愴切松楸沾灑淚如絲

夏日張監園亭題壁

園亭粉蝶影雙雙輕拂簷牙傍碧窓藥圃靜聞香
細細菜畦時見水淙淙風吹柳岸迎歸騎人叩荆
扉起吠龙此日晝閒成小憇含毫那便擬如江

明善堂詩集

卷之十七

三

西郊早行

不出西郭門不見西山勝朝來露氣收一片烟鬟
淨新蟬咽咽鳴夏木陰陰靜拂面輕風來流覽悅
吾性

消夏閒咏

風過疎簾午漏初吾廬高枕愛看書日長儘有清
幽趣藥圃花畦手自鋤

畫廊深處倚闌干小草芳花仔細看殘雨忽教虹
截去清風徐吹覺輕寒

病中夜雨遣興

銀燈吐焰黃昏後藥果茶鐺靜作緣一枕匡牀聽
夜雨寂寥情況自相憐

嗜好從來在典墳瓣香往哲有知聞庭前點滴芭
蕉雨牽引愁心到夜分

雨窓憶宜峯鶴亭韶亭秋岑諸子

白雨墮檐前紅榴色映軒千山空黥黠一鳥自飛
翻涼入梧桐牖風來菽豆原寄言舊朋好何日過
吾門

明善堂詩集 卷之十七

四

病中登樓示內

雨過天初霽微風度小樓凭闌無限思閒咏欲消
愁嵐氣遙岑歛晴光空際浮登臨一相賞烟景目
前收

入直 瀛臺遇韶亭七表弟口占贈之

自喜逢人便說詩偶因公暇得心知曲闌小坐凝
眸處烟鎖晴光太液池

晚步

散屐斜陽下消閒晚飯餘豆花經雨落藥圃喚童

勸境淡從吾好心清得自如枳籬三徑曲城市卽
山居

寄宜峯秋岑鶴亭韶亭

蘭飄香氣竹生孫庭際高梧碧映門清景閒中一
消受半窓風雨近黃昏

湖上山樓遠眺

碧樹圍如冪晴峯列似屏藥欄眠粉蝶漁艇鎖烟
汀卽景意岑寂悠然悅性靈凭欄縱目處遠色自
冥冥

明善堂詩集 卷之十七

五

夏日偕內子含輝堂垂釣

把釣風潭上溪山儼畫圖遠烟開積雨濃綠滿平
蕪荇藻含生意濠梁得自娛偕遊耽逸趣小立漫
踟躕

初秋雨窓曉望

昨宵一葉報初秋曉起秋光竟滿眸几靜窓明方
暇日庭前新溜看浮漚

初秋遊賞西園有作

西軒幽勝似巖阿暇日尋遊躡屐過籬豆花香蛩

語細新涼風景入秋多

初秋西軒雨窓全內子晚坐

數點西窓雨蛩聲報早秋
芰荷還泛泛黍稌正油油
室靜香烟細心閒詩思幽
開窓共凭處暝色下岑樓

中秋前雲林書屋偶興

空階瑟瑟涼颼起節近中秋
香滿園水畔蓼花紅
歷亂簾前蝶翅影翩翩候分梧井陰初合溪澌紫
門日正暄無限清幽堪縱目垂垂薜荔映蓬軒

明善堂詩集

卷之十七

六

中秋玩月

桂花叢處湧氷輪香滿清光淨
點塵祇有吟情娛
此夕恨無仙樂悅慈親樓臺倒影烟痕細
杯竿搖金月色新宴罷曲闌閒共玩漏深涼吹襲衣巾

西軒秋夕

纖雲歛高空拂拂金風冷
西軒清且幽入夜氣逾靜
蛩吟秋草根月挂疎桐影
悠然證道心萬慮一時屏

西園秋日偶成八韻示同人

秋色已平分蟲羽音如訴
田禾將登場籬豆尚滿圃
折花眠蝶驚撫樹馴鶴顧
卽景信可娛悠然朝復暮
况值沈寥天陰雲四野布
瑟瑟振商飈垂垂飛珠露
不覺俗慮忘飯罷時閒步
西軒風景佳一任流年度

秋夜聞雁

風冷堦閒夜靜初數聲雁
唳度吾廬秋光老去關河遠
一幅瀟湘夜雨圖

深秋遣懷

明善堂詩集

卷之十七

七

心情咄咄欲書空閒却風光
卅載中今日凭欄秋色老
夕陽天外送飛鴻

月夜登消慮峯

月明院宇曠散步陟峯頂
清霜夜氣寒披裘不知冷
萬籟息囂氛木落風初靜
縱目意灑然幽懷寧暫屏

月夜遣懷

霜天明月漏聲初小立中庭興不孤
吟思偶來敲短句頓教塵慮一時無

冬夜四宜齋偶興

書卷相依好結巢孤輪湧出挂松梢
柝聲隱隱飄垣外竹影森森舞檻
均畫裏溪山隨玩賞樽前風月任逍遙
烟消梢柎茶初熟得句悠然自解嘲

冬日郊外卽景

楓落荒堤野趣饒郊原冬暖雪痕消
幾行小隊穿林木一片寒烟斷嶺腰
衰草黃蕪盤獵騎斜陽古道映歸樵
肩輿緩處心情愜乘興哦吟過板橋

村晚

明善堂詩集

卷之十七

八

寒鴉棲古木薄暮靄荒原散步茅簷下
相看暝色昏梵鐘飄野寺山犬吠柴門
僕從寥寥者幽懷誰與論

旅夜東寄

梢柎煨殘午夜中茶聲沸處火微紅
寂寥一榻山村裏幾度思君有夢通

長至日雪中郊行

癡雲壓山低朔吹飛滕六綈室動葭灰
天心見茅屋溪橋少行蹤寒鴉集林木
一望絕攀躋何處尋

梅麓

雪霽歸途有興

雪後前山絕點塵衝風古道是征人
凌寒曉發忻幽景儼似溪橋畫裏身

山村曉起

曙色凌窓白鄰鷄驚夢初霜寒凝土
砌風冷度茅廬禮佛看香篆安禪味
道書難辭征路迥朝日射籃輿

將至都卽所見漫成

明善堂詩集

卷之十七

九

一鞭將次入都門踏過溪山畫裏村
岐路平原人跡少白頭三五話晴暄

再至松栢菴晤省上人

結契端知有宿因重來非是說風塵
祇緣欲解迷途意特地招提訊上人

明善堂詩集卷十八目錄 辛未

清明前一日雨窓

初夏

東內子

再東內子

園中早起

芝蘭室雨窓偶興

霽後玩月二首

睡起述懷二首

明善堂詩集卷之十八目錄

一

雨後含輝堂消暑

晚霽

水亭同內子對雨

含輝堂雨霽

圓靈水鏡亭觀景

偶題游魚秋水圖

新秋日晚雨

初秋月夜乘涼

初秋早坐西軒

秋夕眺望

秋日漫興

初冬至西園

題雪上人小照卽用 桂峯廿三叔父韵二

首

雪霽郊行

明善堂詩集卷之十八目錄

二

明善堂詩集卷十八 辛未

清明前一日雨窓

賣餚人過小樓前細草蒙茸綠水鮮最是禁烟春
日晚桃花無賴雨連綿

初夏

平隄殘絮拂簾飛日午何人欵我扉花圃有風搖
蝶夢藥欄無露染苔衣儘堪據石觀澄水何事登
臯送落暉熟讀南華三百遍不妨心與俗緣違

東內子

明善堂詩集 卷之十八

一

梨花飄院落月影入虛窓渺渺人何遠悠悠意未
降風輕時撼竹鐘動欲驚龙夜色真無賴敲詩對
玉缸

再東內子

春晚簾垂玳瑁鈎夕陽西下暮雲浮撫琴誰是知
心侶倚檻難舒望遠眸枕畔聞鷄驚短夢鏡中理
髮長新愁襲人芳草情無限直欲分身到玉樓

園中早起

早起心情潔軒開一片涼露凝苔逕潤風過藕花

香宿鳥鳴岩樹眠鷗傍野航遙峯皆拱翠溽暑自
相忘

芝蘭室雨窓偶興

晝永不知暑溪聲鼓浪微庭前時小立逸興逐雲
飛

霽後玩月

明月挂松梢照我胸襟徹雲掩忽無光心情何可
說

清夜絕無塵風細花香靜澄懷仰太空慮少心常

明善堂詩集 卷之十八

二

定

睡起述懷

雲在空中月在天清風颯颯水紋旋疎鐘入夢誰
先覺敲破吾生三十年

曾經覩破塵緣幻無奈塵緣擾一身偶向芳塘看
鏡水始知雲月有前因

雨後含輝堂消夏

池漲新添兩部蛙清幽直似野人家疎簾水簟清
如許開遍堦前秣利花

晚霽

雨歇長空淨開襟坐水亭魚遊依碧藻蛙怒聒新
萍月隱樓頭樹虹垂海外汀苔衣生石壁一望點
深青

水亭同內子對雨

相將小坐水亭空十頃湖光一望中天外鷓鴣雲
漠漠溪邊魚戲雨濛濛四圍綠暗山間樹半畝青
搖草上風暑退軒窓倍瀟灑素心爾我畧相同

含輝堂雨霽

明善堂詩集

卷之十八

三

雲歛奇峯入望遙一溪新水漾晴濤不聞老鷓鴣
邱垤疑有長虹飲石橋苔蘚成茵鋪曲逕松杉帶
露聳層霄碧空如洗山如浴清簾疎簾暑盡消

圓靈水鏡亭觀景

靜裏得靜緣詮真悟魚鳥魚遊豈戾天鳥飛不在
沼止水鏡波明遠山眉黛繞坐來月滿亭此境非
虛渺

偶題游魚秋水圖

魚渚澄鮮接綠蕪柳陰深處釣船孤是誰乘此濠

梁興寫出南華秋水圖

新秋日晚雨

雲疊輕羅溽暑回半黃梧葉點蒼苔湖亭小立葛
衣冷颯颯清風帶雨來

初秋月夜乘涼

誰遣寒蛩報早秋披襟待月下高樓莫愁紈扇輕
相棄尚有羅帷不肯收入夜銀河垂露白拂簷螢
火逐星流一輪朗徹無渣滓殘笛聲催綠葉愁

初秋早坐西軒

明善堂詩集

卷之十八

四

病餘早起坐西堂雨後風來劈面涼壓地濕雲飛
不去草虫聲裏豆花香

秋夕眺望

躡屐不知晚西山一望遙月華初印水鴻影欲凌
霄秋老寒砧急天空長笛飄涼風催苦草俯仰意
寥寥

秋日漫興

空水澄鮮日又曛虛堂生爽絕塵氛數聲鳴玉窓
前竹一幅輕羅石上雲境寂靜中心自得人蕭閒

處意多欣黃庭臨罷觀周易雞舌龍涎取次焚

初冬至西園

風滿園林柿葉稠蘆花萬點撒晴洲鶯藏燕去無
消息木落山空是舊遊三徑喜存元亮菊卅年不
貫長卿裘日華印水川容歛景物蕭蕭一望收

題雪上人小照即用桂峯 廿三叔父韵

蓮社風高世莫儔詩情槩韵淡中收破塵結舍平
林外髣髴當年惠遠流

松掩溪橋滅雪痕佛光龕影認靈源閒來欲寄蒲

明善堂詩集 卷之十八

五

團穩卓錫泉邊別有村

雪霽郊行

朔風發摧衰草山遠林疎帶雪痕驕馬嘶寒行
蹀躞慈雅相送到前村

明善堂詩集卷十九目錄 壬申

悼亡詩三十首 有序

冬日過柳菴僧舍

西軒夜作二首

歲晚同秋岑茶話

明善堂詩集 卷之十九 目錄

一